

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA

n/r Predsjedatelja Tomislava Martinovića

Sarajevo, 31.10.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 31-10-2023		Priloga	
Org. jed.	Broj	Vrijednost	
02-	11-	2654/22	

Predmet: Amandmani na predloženi Zakon izmjenama i dopunama Budžeta Federacije Bosne i Hercegovine za 2023. godinu, dostavlja se-

Na osnovu člana 190. Poslovnika o radu Doma naroda Parlamenta Federacije Bosne i Hercegovine dostavljam amandmane na Prijedlog Zakona o izmjenama i dopunama Budžeta Federacije Bosne i Hercegovine za 2023. godinu

U prilogu su amandmani I – III.

S poštovanjem,

Delegatkinja

Aida Obuća



AMANDMAN I

Ekonomski kod 6141 - Tekući transferi drugim nivoima vlasti i fondovima - Zavod za zdravstveno osiguranje i reosiguranje FBiH (razdjel 20, glava 2001 Federalno ministarstvo zdravstva), koji iznosi 43,5 miliona KM, povećati za 20 miliona KM.

Ova sredstva će se osigurati na način da sa ekonomskog koda 6141 – Tekući transferi i drugi tekući rashodi, (razdjel 20, glava 2001 Federalno ministarstvo zdravstva, ekonomski kod 614 Tekući transferi i drugi tekući rashodi, pozicija 6141 F) – predviđena sredstva u iznosu od 77,2 miliona KM umanje za iznos od 20 miliona KM.

Obrazloženje

Obzirom da nisu obezbjeđena potrebna sredstva za rad Fonda solidarnosti FBiH, potrebno je amandnanski djelovati, kako bi se obezbjedila potrebna sredstva u svrhu adekvatnog i pravovremenog tretmana oboljelih građana FBiH suočenih sa najtežim oboljenjima. Usvajanjem ovog amandmana bi se izvršilo usklađivanje prijedloga Budžeta FBiH za 2023. godinu sa Zakonom o zdravstvenom osiguranju u pogledu finansiranja rada Fonda solidarnosti, čime bi se uvažila i osigurala potreba za ostvarivanjem jednakih uslova zdravstvenog osiguranja kao i obaveze da se finansiraju najsloženiji oblici zdravstvene zaštite.

AMANDMAN II

Ekonomski kod 6141 - Tekući transferi drugim nivoima vlasti i fondovima - Zavod za zdravstveno osiguranje i reosiguranje FBiH (razdjel 20, glava 2001 Federalno ministarstvo zdravstva) koji iznosi 43,5 miliona KM, povećati za 2 miliona KM.

Ova sredstva će se osigurati na način da sa ekonomskog koda 6000 - Tekuća rezerva - Vlada Federacije BiH (razdjel 12, glava 1201 Vlada Federacije BiH) - koji iznosi 10.155.000 KM, se izvrši umanje za 2 miliona KM i ista sredstva preusmjeriti na konto ekonomskog koda 6141 - Tekući transferi drugim nivoima vlasti i fondovima - Zavod za zdravstveno osiguranje i reosiguranje FBiH.

Obrazloženje

U Parlamentu FBiH su tokom 2022. godine usvojene izmjene i dopune Zakona o liječenju neplodnosti biomedicinski potpomognutom oplodnjom u FBiH, i početkom 2023.godine je trebala započeti primjena na cijeloj teritoriji FBiH. Uprkos zakonskim rješenjima i zaključcima PFBiH, nadležno ministarstvo je kasnilo sa izradom podzakonskih akata, tako da mnogi parovi koji su namjeravali ili započeli proces ivf- a u FBiH nisu mogli ostvariti svoje zakonsko pravo, jer nije bilo u potpunosti primjene Zakona od 01.01.2023. godine. Mnogi su započeli procese, jer zbog prirode postupaka nisu mogli čekati na podzakonske akte, nadajući se da će Ministarstvo i Vlada FBiH priznati troškove refundacije, s obzirom da je primjena kasnila zbog

podzakonskih akata. Međutim, veliki broj parova se suočilo sa činjenicom da to neće biti moguće. Zbog toga, smatram da je neophodno planirati dodatna sredstva i refundirati sve postupke vantjelesne oplodnje, koji su započeti u 2023. godini, prije objave javnog poziva nadležnog ministarstva.

AMNDMAN III

Iza ekonomskog koda 6142 - Tekući transferi pojedincima (razdjel 51, 5101 Federalno ministarstvo rada i socijalne politike), dodati novu stavku 6142 - Tekući transferi pojedincima - Sufinansiranje prilagodbe mjesta i uslova rada za osobe sa invaliditetom i uvođenja novih poslovnih tehnologija u cilju zapošljavanja većeg broja osoba sa invaliditetom, u iznosu od 1 milion KM.

Ova sredstva će se osigurati na način da sa ekonomskog koda 6000 - Tekuća rezerva - Vlada Federacije BiH - koji iznosi 10.155.000 KM (razdjel 12, glava 1201 Vlada Federacije BiH), umanjiti za 1 milion KM i ista preusmjeriti na konto ekonomskog koda 6142 - Tekući transferi pojedincima - Sufinansiranje prilagodbe mjesta i uslova rada za osobe sa invaliditetom i uvođenja novih poslovnih tehnologija u cilju zapošljavanja većeg broja osoba sa invaliditetom.

Obrazloženje

Bosna i Hercegovina je ratificirala međunarodne konvencije, koje se odnose na osobe s invaliditetom - na njihovu profesionalnu rehabilitaciju i zapošljavanje, te otklanjanje svih oblika diskriminacije. Prema dostupnim izvještajima poslodavci imaju pozitivan stav prema zapošljavanju osoba sa invaliditetom, ali ističu da je neophodno više raditi u ovom polju, te unaprijediti subvencioniranje i prilagodbu mjesta rada, uslovima i prihvatanjem novih poslovnih tehnologija. Sve navedeno bi doprinijelo većem zapošljavanju osoba s invaliditetom, njihovoj edukaciji i unapređenju radnih aktivnosti.

Delegatkinja

Aida Čučić

